

pè ecclesiæ prospicit, vitibus, genuinis sc. Dei cultori-  
 bus, ecclesiam decorat, præsidioq; suo divino cœtum  
 huncce intimè dilectum instruit, donat. *Es. V. 2. sq. Matth.*  
*XX. I. sq.* Quodsi itaqve *ἄνθρωποι ὡς θεοὶ* aliarum instar  
 metaphoricarum locutionum in sanctam irreperunt  
 Linguam, hac fini, ut claro quodam simili Deus cum  
 suis proprietatibus, operationibusve intellectui nostro  
 apprimè infinuetur, clareque proponatur, cur, amabo,  
 confugeremus ad Gentilismum, quasi vanis idolorum,  
 vel Numinis, humana præditi specie, adoratoribus tales  
 flosculos acceptum ferre cogeremur? Ergone pari modo  
 inferres. Herodes vulpis, Magnates leonum, Pastores  
 infideles canum mutorum, Deus Clypei, Augustus Dei,  
 veris svavitas risus ornatu circumscribi novimus. Ergò  
 lepida olim capita Reges ac Magnates pro vulpibus ac  
 leonibus in sylvis degentibus, Pastores pro Canibus qua-  
 drupedibus, Deum pro clypeo militari agnoverunt, cuius  
 rei vestigia in hisce similitudinibus supersunt? Ergò  
 Poëta Augustum credidit Deum cœlos incolentem, suoq;  
 nutu mundum regentem, prata cachinnum sustollere  
 existimavit? Somnia ex eburnea porta!

§. III. Pedem promoveo (II.) ad parem illarum  
*ἄνθρωποι ὡς θεοὶ*, quæ non ab homine, sed ab aliis creaturis de-  
 sumptæ sunt, conditionem. In concessis sc. numero, quas-  
 dam metaphoras DEO tributas, mutuò peti ab homine,  
 quasdam ab aliis creaturis, quam divisionem, à *Glassio*  
 quippe in *Philol.* p. 1117. sedulò inculcatam, eo minus alto  
*Clericus* contemnet supercilio, quo majoribus, ob dili-  
 genter excultam τῶν ἄνθρωπων ὡς θεῶν doctrinam encomiis  
*Glassium* ornare, prosequi gavisus est. Jam quousq; pa-  
 rem parium rationem esse sana agnoscit ratio, eousque  
 idem iudicium, quod de metaphoris Deo tributis, & ab aliis  
 creaturis